



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მრგვალი წამალი



მრგვალი წამალი

მრგვალი წამალი (*Gymnospermium smirnowii*), მრავალწლოვანი ფესურიანი ბალახოვანი მცენარე, მიეკუთვნება კონახურისებრთა (*Berberidaceae*) ბოტანიკურ ოჯახს. **მ. წ.** მწვანეა ან ლეგა ფერის. ფესვთანური ფოთლები სამმაგად რთულია, ცალკეული ფოთოლაკები გრძელყუნწიანია და 4-5 ელიფსურ სეგმენტადაა თათისებურად დაყოფილი. ფოთლები ყვავილობისას ამოდის, ქვედა ფოთოლი ღეროზეა შემოხვეული. ყვავილედს

აქვს მცირე ზომის ყვითელი ყვავილი. ყვავის თებერვალ-აპრილში. მცენარე საქართველოს ენდემია, გავრცელებულია კახეთში, გვხვდება ზ. დ. 350-1450 მ სიმაღლეზე. მისი გავრცელების კლასიკური ადგილია ლაგოდეხის ნაკრძალი, ნინოსხევის, ლაგოდეხის ხევისა და სალესავისხევის ხეობები, ასევე გვხვდება მდ. ალაზნის ჭალის ტყეებში. საკმაოდ იშვიათი მცენარეა. პირველად აღწერილია 1881 ლაგოდეხში.

ლიტ.: საქართველოს ფლორა, ტ. 2, თბ., 1973; ს უ ხ ი ტ ა შ ვ ი ლ ი კ., საქართველოს ყვავილოვანი მცენარეები, თბ., 2018.
